

O'zbekistonda So'x tumani davri boshlanmoqda



O'zbekistonda So'x tumani davri boshlanmoqda

Viloyat hokimi Xayrullo Bozorov, 11 fevral kuni viloyat sektor rahbarlari hamda boshqarma va tashkilotlari mutasaddilari bilan birga So'x tumanida bo'lib, tuman hududida amalga oshirilayotgan ishlarni ko'zdan kechirdi hamda joylarda aholi bilan uchrashdi.

Viloyat hokimi tashrifining dastlabki manzili tumandagi Alisher Navoiy nomidagi yoshlar ilmiy-ijodiy markazi bo'ldi.

Tumandagi san'at va ijodga qiziquvchi yoshlar uchun olti yo'nalishda mashg'ulotlar olib borishga mo'ljallangan ushbu markaz, tuman xalq ta'limi bo'limi ixtiyoridagi bo'sh binoni ta'mirlab jihozlanishi natijasida barpo etildi.

Markazda ijodiy mashg'ulotlar bilan birga, tuman maktablaridan fan olimpiadalariga qatnashuvchi o'quvchilar uchun qo'shimcha kuchaytirilgan darslar tashkil etilgan.

Markaz qoshida atoqli yozuvchilar hamda tumandan yetishib chiqqan taniqli shaxslar bilan uchrashuvlar tashkil etilishi ham yo'lga qo'yilgan.

So'x tumani hokimligi Axborot xizmati

2021-02-12 16:52:30